

Keusahawanan Sosial Islam: Penerapan Sifat-sifat Terpuji (*mahmudah*) dalam Diri Usahawan Sosial Berjaya Muslim

Mohd Adib Abd Muin¹ dan Shuhairimi Abdullah²

1. Calon PhD Keusahawanan Sosial, Pusat Pengajian Pembangunan Insan dan Teknokomunikasi (iKOM), Universiti Malaysia Perlis (UniMAP), Kompleks Pusat Pengajian UniMAP (Blok B), Jalan Kangar-Arau, 02600 Jejawi, Arau Perlis.
2. Pensyarah Kanan, Pusat Pengajian Pembangunan Insan dan Teknokomunikasi (iKOM), Universiti Malaysia Perlis (UniMAP), Kompleks Pusat Pengajian UniMAP (Blok B), Jalan Kangar-Arau, 02600 Jejawi, Arau Perlis.

ABSTRAK

Keusahawanan sosial Islam adalah salah satu aktiviti muamalat dalam menyeimbangkan ekonomi sesebuah negara. Bagi melaksanakan KSI secara holistik, usahawan tersebut perlu menerapkan sifat-sifat terpuji (*mahmudah*) dalam diri agar objektif yang ingin dicapai berjaya di dunia dan akhirat. Kertas kerja ini adalah bertujuan menghuraikan sifat-sifat terpuji (*mahmudah*) berdasarkan pandangan Imam al-Ghazali. Kaedah penyelidikan yang digunakan adalah analisis kandungan berdasarkan kajian-kajian lepas serta merujuk al-Quran dan as-Sunnah. Hasil kajian menunjukkan bahawa sifat-sifat terpuji (*mahmudah*) perlu diutamakan dalam mencapai matlamat keusahawanan sosial Islam. Antara sifat-sifat terpuji itu adalah taubat, ikhlas, takut kepada Allah SWT, zuhud, sabra, syukur, tawakal, kasih sayang, redha dan mengingati mati. Oleh itu, perbincangan mendalam secara ilmiah akan diketengahkan dalam kajian ini.

Kata Kunci: *Keusahawanan Sosial Islam, Sifat-sifat Terpuji, Usahawan Sosial Berjaya Muslim*

1.0 PENGENALAN

Konsep keusahawanan sosial Islam adalah konsep yang berdasarkan perspektif Islam yang mana ia berpandukan kepada sumber hukum utama dalam Islam, iaitu al-Quran dan as-Sunnah. Keusahawanan sosial Islam yang digariskan juga merujuk kepada perjalanan sirah hidup Nabi Muhammad SAW semasa berhijrah dari Kota Mekah ke Kota Madinah dan juga kejayaan Nabi dalam mengislahkan masyarakat Quraisy di Kota Mekah. Keusahawanan sosial Islam yang diperkenalkan ini adalah alternatif kepada keusahawanan sosial Barat yang mana

hanya tertumpu kepada hubungan di dunia semata, malah hanya terhad dalam konteks memenuhi keperluan sosial sahaja.

Objektif keusahawanan sosial Islam ini adalah untuk mencapai tuntutan agama Islam berdasarkan *al-maqasid al-syariah* dan juga memenuhi tuntutan *al-falah* (berjaya mendapatkan keredaan dan keberkatan Allah SWT di dunia dan akhirat). Perkara penting dalam objektif keusahawanan sosial Islam adalah memelihara agama, nyawa, akal, keturunan dan harta. Hal ini menjadi tuntutan ke atas setiap golongan usahawan sosial berjaya Muslim dalam menjadikan keusahawanan sosial Islam sebagai alternatif kepada keusahawanan sosial Barat.

Umumnya, usahawan sosial berjaya Muslim adalah usahawan yang sudah mencapai matlamat dan visi sosial dalam aktiviti keusahawanan dan perniagaan yang diceburi. Malah seringkali memberi sumbangan dalam melakukan aktiviti sosial berkebajikan berlandaskan perspektif Islam. Usahawan sosial berjaya Muslim juga adalah usahawan yang mempunyai ciri-ciri Islam dalam mencapai sistem *al-falah*, iaitu mendapatkan keredaan dan keberkatan Allah SWT di dunia dan akhirat (Yazilmiwati Yaacob & Ilhaamie Abdul Ghani Azmi, 2012).

Usahawan sosial berjaya Muslim adalah individu yang mempunyai keupayaan, pengetahuan, kemahiran, kemampuan, pemikiran yang berjaya dalam bidang yang diceburi serta sentiasa terlibat dengan aktiviti sosial. Di samping itu, individu terbabit juga dapat memberi impak yang positif terhadap pembangunan sosial institusi masyarakat disekeliling. Justeru itu, kupasan berkenaan kertas kerja ini dibincangkan seperti berikut:

- i. Berjaya dalam bidang keusahawanan sosial yang diceburi.
- ii. Mendapat pengiktirafan di peringkat tempatan dan antarabangsa.
- iii. Melaksanakan aktiviti keusahawanan sosial Islam.
- iv. Usahawan yang mempunyai matlamat dan objektif yang jelas dalam konteks keusahawanan sosial.
- v. Mestilah usahawan itu memahami definisi keusahawanan sosial.

2.0 KAEDAH PENYELIDIKAN

Kajian ini dilaksanakan berdasarkan kaedah epestimologi Islam dan analisis kandungan (Muhammad Syukri Saleh, 2011). Kajian ini juga berasaskan pandangan Imam al-Ghazali. Pendekatan analisis kandungan diguna pakai untuk melihat sifat-sifat terpuji dan kesan dalam keusahawanan sosial Islam. Seperti yang ditunjukkan dalam Rajah 1, kajian ini melalui dua fasa.



Rajah 1: Penerapan Sifat-Sifat Terpuji (*mahmudah*) dalam diri Usahawan Sosial Berjaya Muslim

Fasa pertama adalah melihat sifat-sifat terpuji yang perlu ada dalam diri usahawan sosial berjaya Muslim berdasarkan pandangan Imam al-Ghazali (450-505H). Fasa kedua adalah melihat kesan terhadap aktiviti keusahawanan sosial Islam.

3.0 PENERAPAN SIFAT-SIFAT TERPUJI DALAM DIRI USAHAWAN SOSIAL BERJAYA MUSLIM

Sifat-sifat Mahmudah adalah sifat yang baik dan terpuji. Golongan usahawan sosial berjaya Muslim itu hendaklah mempunyai sifat-sifat Mahmudah (sifat terpuji) kerana amalan keusahawanan sosial Islam yang menyeluruh akan melibatkan sifat-sifat usahawan sosial yang terpuji. Antara sifat-sifat Mahmudah menurut Imam al-Ghazali r.a (450-505H) dalam kitabnya *Ihya' Ulum al-Din* adalah:

- i. Taubat –Taubat ialah kembali daripada keburukan kepada kebaikan dengan beberapa syarat yang tertentu. Setiap manusia tidak dapat mengelakkan dirinya daripada membuat kesalahan dan terlupa, melainkan manusia yang terpelihara daripada dosa dan salah silap (*ma'asum*) seperti rasul-rasul dan

nabi-nabi. Seseorang itu hendaklah bersungguh-sungguh memelihara diri daripada dosa, iaitu dengan memelihara seluruh anggota daripada melakukan perkara-perkara yang ditegah oleh agama Islam. Usahawan sosial berjaya Muslim hendaklah sentiasa bertaubat dalam mendekati diri kepada Allah SWT dan berusaha melaksanakan taubat nasuha untuk mendapat keredaan Allah SWT. Allah SWT berfirman yang bermaksud:

“Dan bertaubatlah kamu semua kepada Allah SWT, wahai orang yang beriman, agar kamu beruntung.”

(Surah An-Nur, 24:31)

“Wahai orang yang beriman! Bertaubatlah kepada Allah SWT dengan taubat nasuha, mudah-mudahan Tuhan kamu akan menghapuskan kesalahan-kesalahanmu dan memasukkan kamu ke dalam syurga-syurga yang mengalir di bawahnya sungai-sungai, pada hari ketika Allah SWT tidak mengecewakan Nabi dan orang yang beriman bersama dengannya; sedang cahaya mereka memancar di hadapan dan di sebelah kanan mereka, sambil mereka berkata: “Ya Tuhan kami, sempurnakanlah untuk kami cahaya kami dan ampunkanlah kami; Sesungguhnya Engkau Maha Berkuasa atas segala sesuatu”

(Surah At-Tahrim, 66:8)

“Sesungguhnya Allah SWT menyukai orang yang bertaubat dan menyukai orang yang menyucikan diri”

(Surah Al-Baqarah, 2: 222)

- ii. Ikhlas – Sifat ikhlas ialah menumpukan niat bagi setiap ibadah atau kerja yang dilakukan semata-mata kerana Allah SWT dan diqasadkan (niat) untuk menjunjung perintah Allah SWT semata-mata serta membersihkan hati dari dosa *riya'*, *ujub*, *takbur* atau ingin akan pujian manusia. Setiap pekerjaan yang dilakukan hendaklah dibersihkan daripada sesuatu tujuan yang lain daripada taat kepada perintah Allah SWT, Ikhlas pada tauhid itu bermakna tidak menyekutukan Allah SWT. Usahawan sosial berjaya Muslim juga hendaklah ikhlas dalam melaksanakan aktiviti sosial untuk mendapatkan hasil yang terbaik dan mendapat pengiktirafan daripada Allah SWT. Dalam meninggalkan larangan Allah SWT, usahawan sosial berjaya Muslim hendaklah meniatkan untuk taat kepada Allah SWT semata-mata bukan

kerana malu kepada makhluk atau sebagainya. Allah SWT berfirman yang bermaksud:

“Dia adalah Tuhan kami dan Tuhan Kamu, bagi kami amalan kami, bagi kamu amalan kamu dan hanya kepada-Nya kami mengikhlaskan hati”

(Surah Al-Baqarah, 2: 139)

“Padahal mereka tidak diperintahkan melainkan supaya menyembah Allah SWT dengan mengikhlaskan ibadah kepada-Nya, lagi tetap teguh di atas tauhid dan supaya mereka mendirikan sembahyang dan memberi zakat dan yang demikian itulah agama yang benar”

(Surah Al-Bayyinah, 98:5)

- iii. Khauf (Takut) – Khauf bererti takut kepada Allah SWT, iaitu rasa gementar dan rasa gerun akan kekuatan dan kebesaran Allah SWT serta takut akan kemurkaan-Nya dengan mengerjakan segala perintah-Nya dan meninggalkan segala larangan-Nya. Seseorang itu tidak akan berasa takut kepada Allah SWT jika tidak mengenal-Nya. Mengenal Allah SWT ialah dengan cara mengetahui sifat-sifat ketuhanan dan sifat-sifat kesempurnaan bagi zat Allah SWT. Usahawan sosial berjaya Muslim juga hendaklah takutkan kepada Allah SWT semasa menjalankan aktiviti keusahawanan sosial kerana dengan sifat tersebut akan mendatangkan keberkatan dan keredaan daripada Allah SWT. Rasa takut dan gerun kepada Allah SWT akan menghindarkan usahawan sosial berjaya Muslim daripada melakukan perkara yang dilarang oleh Allah SWT dan seterusnya patuh dan tekun dalam mengerjakan perkara yang disuruh dengan hati yang khusyuk dan ikhlas. Allah SWT telah merakamkan dalam al-Quran yang bermaksud:

“Maka janganlah kamu takut kepada mereka dan takutlah kepada-Ku. Dan Aku sempurnakan nikmatKu atasmu dan supaya kamu mendapat petunjuk”

(Surah Al-Baqarah, 2: 150)

“Kerana itu, janganlah kamu takut kepada manusia, (tetapi) takutlah kepadaKu”

(Surah al-Ma'idah, 5:44)

“Wahai manusia! Bertakwalah kepada Tuhanmu dan takutlah pada hari yang (ketika itu) seorang bapa tidak dapat menolong anaknya dan seorang anak tidak dapat (pula) menolong bapanya sedikit pun. Sesungguhnya janji Allah SWT itu pasti

benar, maka janganlah sekali-kali kamu terpedaya oleh kebidupan dunia dan jangan sampai kamu terpedaya oleh penipu dalam (mentaati) Allah SWT)

(Surah Luqman, 31:33)

“Mereka takut kepadaNya dan tidak merasa takut kepada sesiapa pun selain kepada Allah SWT. Dan cukuplah Allah SWT sebagai pembuat perbintungan”

(Surah Al-Ahzab, 33:39)

Nabi Muhammad SAW juga bersabda yang bermaksud:

“Tujuh golongan orang yang akan mendapatkan perlindungan pada hari yang tidak ada perlindungan kecuali perlindungan dari Allah SWT, di antaranya seorang hamba (laki-laki) yang ‘diajak’ oleh seorang wanita yang memiliki kedudukan dan kecantikan, namun dia mengatakan, ‘Aku takut kepada Allah SWT’.

(Hadis Sahih Riwayat Bukhari no. 629 dan Muslim no. 1031 daripada Abu Hurairah r.a)

- iv. Zuhud (jiwa yang sentiasa cukup dengan harta dunia) - Zuhud bererti meninggalkan dunia melainkan kadar yang patut daripadanya. Sebagai contoh, jika diberikan harta, seseorang itu tidak suka pada harta itu dan rasa menderita apabila mendapatnya. Maka dia tidak mengambil harta tersebut dan menjaga dirinya daripada kejahatan dan gangguan harta tersebut. Zuhud yang sempurna ialah meninggalkan perkara lain selain Allah SWT. Dunia ialah tiap-tiap perkara yang tidak dituntut oleh syarak dan ianya sebagai tempat bercucuk-tanam (berbuat kebaikan dan amalan soleh) untuk akhirat yang kekal abadi selama-lamanya. Usahawan sosial berjaya Muslim hendaklah menanamkan dalam diri sifat zuhud kerana dengan bersifat sedemikian hati tidak akan terlampau mengejar kepada harta benda dunia. Allah SWT telah menjelaskan dalam al-Quran yang bermaksud:

“Sesungguhnya perumpamaan kehidupan duniawi itu adalah seperti air (bujan) yang Kami turunkan dari langit, lalu tumbuhlah dengan subur (kerana air itu) tanaman-tanaman bumi, di antaranya ada yang dimakan manusia dan binatang ternakan. Hingga apabila bumi itu telah sempurna keindahannya dan memakai (pula) perhiasannya dan pemilik-pemilikannya menyangka bahawa mereka pasti

menguasainya, tiba-tiba datanglah kepadanya azab Kami di waktu malam atau siang, lalu Kami jadikan (tanam-tanamannya) laksana tanam-tanaman yang sudah dituai, seakan-akan belum pernah tumbuh kelmarin. Demikianlah Kami menjelaskan tanda-tanda (kekuasaan Kami) kepada orang yang berfikir”

(Surah Yunus, 10:24)

“Harta dan anak-anak adalah perbiasan kehidupan dunia, tetapi amalan-amalan yang kekal lagi soleh adalah lebih baik pahalanya di sisi Tuhanmu serta lebih baik untuk menjadi harapan”

(Surah Al-Kahf, 18:46)

“Dan orang yang beriman itu berkata: “Wahai kaumku! Ikutilah aku, aku akan menunjukkan kepadamu jalan yang benar.” Wahai kaumku! Sesungguhnya kehidupan dunia ini hanyalah kesenangan (sementara) dan sesungguhnya akhirat itulah negeri yang kekal”

(Surah Ghafir, 40: 38-39)

“Ketahuilah, sesungguhnya kehidupan dunia itu hanyalah permainan dan senda gurauan, perbiasan dan saling berbangga di antara kamu serta berlumba dalam menambah kekayaan dan anak keturunan, seperti hujan yang tanam-tanamannya mengagumkan para petani; kemudian (tanaman) itu menjadi kering dan kamu lihat warnanya kuning kemudian menjadi hancur. Dan di akhirat (nanti) ada azab yang keras dan kemampuhan daripada Allah SWT. serta keredaan-Nya. Dan kehidupan dunia tidak lain hanyalah kesenangan yang palsu”

(Surah Al-Hadid, 57: 20)

Hadis Baginda Nabi berkaitan dengan amalan Zuhud adalah seperti berikut yang bermaksud:

Daripada Abu Hurairah, ia berkata bahwa Rasulullah SAW bersabda:

“Dunia adalah penjara bagi orang beriman dan syurga bagi orang kafir.”

(Hadis Riwayat Muslim no. 2392)

“Daripada Sahl bin Sa’ad As Sa’idi, ia berkata ada seseorang yang mendatangi Nabi shallAllahu ‘alaihi wa sallam lantas berkata, “Wahai Rasulullah, tunjukkanlah padaku suatu amalan yang apabila aku melakukannya, maka Allah

SWT akan mencintaimu dan begitu pula manusia.” Rasulullah SAW bersabda, “Zubudlah pada dunia, Allah SWT akan mencintaimu. Zubudlah pada apa yang ada di sisi manusia, manusia pun akan mencintaimu.”

(Hadis riwayat Ibnu Majah dan selainnya. An Nawawi mengatakan bahawa dikeluarkan dengan sanad yang hasan)

- v. Sabar (Menahan dan mencegah diri) - Sabar bermaksud menahan diri daripada keluh kesah pada sesuatu yang tidak disukai dan musibah yang melanda seseorang. Sifat sabar itu dipuji oleh syarak kerana seseorang yang bersifat sabar menunjukkan ia beriman dengan sempurna kepada Allah SWT dan menunjukkan ia taat dan menjunjung segala perintah agama. Usahawan sosial berjaya Muslim juga mestilah sabar dalam melaksanakan aktiviti keusahawanan sosial kerana mungkin semasa melakukan aktiviti sosial tersebut mempunyai masalah rintangan dan cabaran yang diluar jangkauan. Sifat sabar ini boleh memupuk hati individu dekat kepada Allah SWT. Dengan sifat sabar ini usahawan sosial berjaya Muslim dapat meningkatkan lagi karisma dan kredibiliti sebagai seorang usahawan sosial berjaya Muslim. Allah SWT telah berfirman memuji sifat sabar ini yang bermaksud:

“Kami telah menjadikan mereka itu sebagai pemimpin-pemimpin yang memberi petunjuk dengan perintah Kami ketika mereka bersabar.”

(Surah As-Sajdah: 24)

“Kami akan memberi balasan kepada orang-orang yang sabar.”

(Surah An-Nahl: 96)

- vi. Syukur (pengakuan hati terhadap sesuatu ganjaran) - Syukur bermaksud mengaku dan memuji Allah SWT atas nikmat yang diberikan dan menggunakan segala nikmat itu untuk berbuat taat kepada Allah SWT. Tiap-tiap nikmat yang diberi oleh Allah SWT kepada makhluk-Nya adalah dengan limpah kurnia-Nya semata-mata, seperti nikmat kesihatan, kekayaan, kepandaian dan sebagainya. Usahawan sosial berjaya Muslim hendaklah sentiasa bersyukur dengan kejayaan yang dicapai. Malah dituntut berkongsi hasil kejayaan tersebut dengan masyarakat lain untuk mendapatkan keberkatan dan keredaan Allah SWT. Allah SWT berfirman yang bermaksud:

“Kerana itu, ingatlah kamu kepada-Ku, nescaya Aku ingat (pula) kepadamu, dan bersyukurlah kepada-Ku, dan janganlah kamu mengingkari (nikmat)-Ku.”

(Surah Al-Baqarah, 2: 152)

“Dan Allah SWT akan memberi balasan kepada orang yang bersyukur.”

(Surah Ali-Imran, 3:144)

- vii. Tawakal (Berserah diri kepada Allah SWT) - Tawakal ialah menetapkan hati dan berserah kepada Allah SWT pada segala perkara yang berlaku serta jazam (putus) pada iktiqad bahawa Allah SWT yang mengadakan dan memerintahkan tiap-tiap sesuatu. Tidak berpaling hati itu kepada yang lain daripada Allah SWT walau apa pun yang berlaku. Usahawan sosial berjaya Muslim juga hendaklah bertawakal selalu kepada Allah SWT kerana Allah SWT jualah tempat bergantung dalam setiap kehidupan di dunia dan akhirat. Allah SWT telah merakamkan dalam al-Quran yang bermaksud:

“Ketika dua golongan daripada kamu ingin (berundur) kerana takut, padahal Allah SWT adalah penolong mereka. Kerana itu, hendaklah kepada Allah SWT sahaja orang mukmin bertawakal”

(Surah Ali-`Imran, 3:122)

“Maka disebabkan rahmat daripada Allah SWT engkau berlaku lemah-lembut terhadap mereka. Sekiranya engkau bersikap keras lagi berhati kasar, tentulah mereka menjauhkan diri dari sekelilingmu. Kerana itu, maafkan mereka dan bermesyuaratlah dengan mereka dalam urusan itu. Kemudian apabila kamu telah membulatkan tekad (untuk melakukan sesuatu), maka bertawakallah kepada Allah SWT. Sesungguhnya Allah SWT menyukai orang yang bertawakal kepada-Nya. Jika Allah SWT menolong kamu, maka tidak ada orang yang dapat mengalahkan kamu; jika Allah SWT membiarkan kamu (tanpa memberi pertolongan), maka siapakah gerangan yang dapat menolong kamu (selain) daripada Allah SWT? Oleh itu, hendaklah kepada Allah SWT sahaja orang-orang mukmin bertawakal”

(Surah Ali-`Imran, 3: 159-160)

“Dan bertawakallah kepada Allah SWT Yang Hidup, Yang tidak Mati dan bertasbihlah dengan memujiNya. Dan cukuplah Dia Maha Mengetahui dosa hamba-hambaNya.”

(Surah Al-Furqan, 25:58)

“Sebab itu bertawakallah kepada Allah SWT, sesungguhnya kamu berada di atas kebenaran yang nyata”

(Surah An-Naml, 27:79)

“Maka sesuatu apa pun yang diberikan kepadamu, itu adalah kenikmatan hidup di dunia; dan yang ada pada sisi Allah SWT lebih baik dan lebih kekal bagi orang-orang yang beriman, dan hanya kepada Tuhan mereka, mereka bertawakal”

(Surah Asy-Syura, 42:36)

“(Dia-lah) Allah SWT, tidak ada Tuhan (yang berhak disembah) selain Dia. Dan hendaklah orang-orang mukmin bertawakal kepada Allah SWT saja”

(Surah At-Taghabun, 64:13)

“Dan memberinya rezeki dari arah yang tiada disangka-sangkanya. Dan barang siapa yang bertawakal kepada Allah SWT niscaya Allah SWT akan mencukupkan (keperluan) nya. Sesungguhnya Allah SWT melaksanakan urusan (yang dikehendaki)-Nya. Sesungguhnya Allah SWT telah mengadakan ketentuan bagi tiap-tiap sesuatu”

(Surah At-Thalaq, 65:3)

- viii. Mahabbah (Kasih sayang) - Kasih kepada Allah SWT bermaksud kasihkan Allah SWT dengan mengingati-Nya pada setiap masa dan keadaan. Kasihkan Allah SWT ialah dengan segera melakukan segala perintah-Nya dan berusaha mendampingi diri kepada Allah SWT dengan ibadah-ibadah wajib dan sunat untuk bersungguh-sungguh menghindari maksiat serta perkara-perkara yang membawa kemurkaan Allah SWT. Usahawan sosial berjaya Muslim juga hendaklah mempunyai sifat kasih dan sayang terhadap sesama manusia. Sifat ini dituntut dan perlu disematkan dalam diri setiap usahawan sosial agar dapat menghasilkan aktiviti yang harmoni dan tenang. Ia juga bertujuan

untuk mendapatkan keredaan Allah SWT. Firman Allah SWT yang bermaksud:

“Bukanlah menghadapkan wajahmu ke arah timur dan barat itu suatu kebajikan, akan tetapi sesungguhnya kebajikan itu ialah beriman kepada Allah SWT, hari kemudian, malaikat-malaikat, kitab-kitab, nabi-nabi dan memberikan harta yang dicintainya kepada kerabatnya, anak-anak yatim, orang miskin, musafir (yang memerlukan pertolongan) dan orang yang meminta-minta dan (memerdekakan) hamba sahaya, mendirikan solat dan menunaikan zakat dan orang yang menepati janjinya apabila dia berjanji dan orang yang sabar dalam kesempitan, penderitaan dan dalam peperangan. Mereka itulah orang yang benar (imannya) dan mereka itulah orang yang bertakwa”

(Surah Al-Baqarah, 2:177)

“Mubammad adalah utusan Allah SWT dan orang yang bersama dengan dia bersikap keras terhadap orang kafir, tetapi berkasih sayang terhadap sesama mereka. Kamu melihat mereka rukuk dan sujud mencari kurniaan Allah SWT dan keredaan-Nya”

(Surah Al-Hujurat, 49:29)

- ix. Reda (Menerima dengan rasa senang dengan apa yang diberikan oleh Allah SWT kepadanya) - Reda dengan qada' Allah SWT ialah menerima ketentuan nasib yang telah ditentukan oleh Allah SWT sama ada berbentuk nikmat atau berbentuk musibah (malapetaka). Di dalam hadis diungkapkan bahawa di antara orang yang pertama memasuki syurga ialah mereka yang suka memuji Allah SWT, iaitu mereka memuji Allah SWT (bertahmid) dalam keadaan yang susah atau senang. Usahawan sosial berjaya Muslim juga hendaklah reda dengan apa yang berlaku selepas dan semasa menjalankan aktiviti keusahawanan sosial kerana setiap perkara yang berlaku itu adalah ketentuan dari Illahi dan ianya mendatangkan hikmah yang besar jika dikaji. Firman Allah SWT yang bermaksud:

“Dan di antara manusia ada orang yang mengorbankan dirinya kerana mencari keredaan Allah SWT dan Allah SWT Maha Penyantun kepada hamba-hamba-Nya.”

(Surah Al-Baqarah, 2:207)

“Allah SWT berfirman: “Pada hari ini orang yang benar (tutur kata dan perbuatan) itu (mendapat) manfaat dari (sifat) kebenaran mereka. Bagi mereka syurga yang di bawahnya mengalir sungai-sungai, mereka kekal di dalamnya selama-lamanya. Allah SWT reda terhadap mereka dan mereka pun reda terhadap-Nya. Itulah keuntungan yang paling besar.”

(Surah Al-Ma`idah, 5:119)

“Jikalau mereka sungguh-sungguh reda dengan apa yang diberikan Allah SWT dan Rasul-Nya kepada mereka dan mereka berkata: “Cukuplah Allah SWT bagi kami, Allah SWT akan memberikan kepada kami sebahagian daripada kurniaan-Nya dan demikian (pula) Rasul-Nya, sesungguhnya kami adalah orang yang berharap kepada Allah SWT, (tentulah yang demikian itu lebih baik bagi mereka).”

(Surah At Taubah, 9:59)

“Katakanlah: “Aku tidak meminta imbalan apa pun daripada kamu dalam menyampaikan (risalah) itu, melainkan (mengharapkan agar) orang mahu mengambil jalan kepada (keredaaan) Tuhannya.”

(Surah Al-Furqan, 25:57)

“Kembalilah kepada Tuhanmu dengan hati yang reda dan diredai-Nya.”

(Surah Al-Fajr, 89:28)

- x. Mengingat mati (*zīkrul al-maut*) - *Zīkrul al-maut* ialah sentiasa mengingati mati dan sentiasa bersedia dengan amalan-amalan yang baik. Oleh kerana seseorang itu akan mati, maka hendaklah ia bersedia dengan amalan-amalan yang baik dan hendaklah ia memenuhi tiap-tiap saat daripada umurnya itu dengan perkara yang berfaedah bagi akhirnya kerana tiap-tiap perkara yang telah lalu tidak akan kembali lagi. Usahawan sosial berjaya Muslim juga mestilah sentiasa mengingati mati kerana setiap kehidupan yang bernyawa pasti akan mati. Dengan sentiasa mengingati mati segala usaha yang dilakukan akan sentiasa dapat menghasilkan yang terbaik. Allah SWT telah menjelaskan dalam al-Quran yang bermaksud:

“Di manapun kamu berada, kematian akan mendapatkan kamu, sungguhpun kamu berada di dalam benteng yang tinggi dan kukuh. Jika mereka memperoleh kebaikan, mereka mengatakan: “Ini dari sisi Allah SWT dan jika mereka ditimpa sesuatu keburukan mereka mengatakan: “Ini (berpunca) daripada engkau (Muhammad).” Katakanlah: “Semuanya (datang) daripada Allah SWT.” Maka mengapa orang itu (orang munafik) hamper-hampir tidak memahami pembicaraan (sedikit pun)?”

(Surah An-Nisa`, 4:78)

“Tiap-tiap yang berjiwa akan merasakan mati. Kami akan menguji kamu dengan keburukan dan kebaikan sebagai cubaan (yang sebenar-benarnya). Dan hanya kepada Kamilah kamu dikembalikan.”

(Surah Al-Anbiya`, 21:35)

Berikut adalah ringkasan sifat-sifat terpuji (*mahmudah*) yang perlu ada dalam diri usahawan sosial berjaya Muslim seperti yang ditunjukkan dalam rajah 2 di bawah.



Rajah 2: Sifat-sifat Terpuji (mahmudah) yang perlu ada dalam diri usahawan sosial berjaya Muslim

4.0 KESIMPULAN

Secara kesimpulan, sifat-sifat terpuji (*mahmudah*) ini perlu diserapkan dalam setiap individu usahawan sosial berjaya Muslim dalam melaksanakan aktiviti keusahawanan sosial Islam. Hal ini adalah bertujuan untuk mencari keredhaan dan keberkatan Allah SWT di dunia dan akhirat. Memandangkan tajuk kajian dalam keusahawanan sosial Islam ini adalah sangat terhad dan ia penting dalam meningkatkan ekonomi Negara, maka disarankan agar pelbagai pihak mengambil bahagian dan inisiatif dalam meningkatkan pengetahuan diri untuk membantu bersama-sama meningkatkan aktiviti keusahawanan sosial Islam yang holistik. Selain dijadikan bahan bacaan tambahan dalam koleksi pengajian dan penyelidikan berdasarkan perspektif Islam, disertakan juga cadangan agar kajian yang dilakukan ini diteruskan lagi kepada generasi penyelidik yang akan datang supaya kajian ini diperluaskan dan ilmu pengetahuan tentang keusahawanan sosial Islam ini diperbanyakkan lagi di masa hadapan serta mendapat manfaat daripada kertas kerja yang dihasilkan.

5.0 PENGHARGAAN

Penyelidik ingin mengucapkan terima kasih kepada Universiti Malaysia Perlis (<http://www.unimap.edu.my>) atas bantuan biasiswa pelajaran yang diberikan juga terima kasih kepada Kementerian Pengajian Malaysia (<http://www.moe.gov.my>).

6.0 RUJUKAN

- Al-Quran Al-Karim. (1980). *Tafsir pimpinan al-Rahman kepada pengertian al-Quran* (cetakan ke-22). Kuala Lumpur: Darul Fikir.
- Abu Abdullah Muhammad bin Ismail bin Ibrahim al-Ja'fiy al-Bukhari. (2010). *Shahih al-Bukhari (Penterjemah Muhammad Iqbal, Lc.)*. Jil. 1, 2, 3, 4, 5, Jakarta: Pustaka as-Sunnah.
- Abu al-Husain Muslim bin al-Hajjaj al-Qusyairi an-Naisburi. (2010). *Shahih Muslim (Penterjemah Dede Ishaq Munawar, Lc.)*. Jil. 1, 2, 3, 4, Jakarta: Pustaka as-Sunnah.
- Ghazali, Abi Hamid Ibn Muhammad al-. (1939). *Ihya' ulum al-Din*. Jil . 1, 2, 3 dan 4. Mesir: Mustafa Bab al-Halabi.
- Ghazali, Abi Hamid Ibn Muhammad. (1996). *Bimbingan mencapai insan Mukmin*, Muhammad Nuhaimi (selenggara). Kuala Lumpur: Pustaka Ilmi.

- Ibn Kathir, 'Imaduddin Abul Fida' Ismail bin 'Umar bin Katsir al-Qurasyi. (2013). *Tafsir Ibnu Kathir*. jil.1, 2, 3, 4, 5, 6, 7, 8, 9, 10. Jakarta: Pustaka Imam asy-Syafi'i.
- Muhammad Syukri Salleh. (2011). "Kaedah Penyelidikan Berteraskan Islam Untuk Penyelidikan Berkaitan Islam" (*Islamic Research Methodology for Islamic-Related Researches*), Pulau Pinang: Penerbit Universiti Sains Malaysia.
- Yazilmiwati Yaacob & Ilhaamie Abdul Ghani Azmi. (2012). *Entrepreneurs' Personality from Islamic Perspective: A Study of Successful Muslim Entrepreneurs in Malaysia*. Doi: 10.7763/IPEDR. 2012. V46. 16.

